

欽定前漢書

卷三
三十六

前漢書卷三十六

漢 蘭 臺 令 史班 固撰

唐正議大夫行秘書少監琅邪縣開國子顏師古注

楚元王傳第六

楚元王交字游高祖同父少弟也

師古曰言同父知其異母○宋祁曰母字

下有也字好書多材藝少時嘗與魯穆生白生申公俱受詩

於浮丘伯

服虔曰白生魯國奄里人浮丘伯秦時儒生

伯者孫卿門人也

師古

曰孫卿姓荀名况爲楚蘭陵令漢以避宣帝諱改之曰孫

及秦焚書各別去高祖兄

弟四人長兄伯次仲伯蚤卒

師古曰蚤古早字也○宋祁曰也字當刪

高祖

旣爲沛公景駒自立爲楚王高祖使仲與審食其留侍

太上皇

師古曰食音異其音基

交與蕭曹等俱從高祖見景駒遇

項梁共立楚懷王因西攻南隣入武關與秦戰於藍田至霸上封交爲文信君從入蜀漢還定三秦誅項籍卽帝位交與盧綰常侍上出入臥內傳言語諸內事隱謀而上從父兄劉賈數別將漢六年旣廢楚王信分其地爲二國立賈爲荆王交爲楚王王薛郡東海彭城三十六縣先有功也後封次兄仲爲代王長子肥爲齊王初高祖微時常避事時時與賓客過其丘嫂食

應劭曰丘姓也孟康

曰西方謂亡女壻爲丘壻丘空也兄亡空有嫂也張晏曰丘大也長嫂稱也晉灼曰禮謂大婦爲冢婦師古曰史記丘字作巨丘巨皆大也張晉二說其義得之

嫂厭叔與客來陽爲羹盡轅

釜

服虔曰音勞轆轆也師古曰以勺轆釜令爲聲也轆音洛又音歷

客以故去已而視

釜中有羹繇是怨嫂

師古曰繇與由同

及立齊代王而伯子獨

不得侯太上皇以爲言高祖曰某非敢忘封之也爲其

母不長者七年十月封其子信爲羹頡侯

師古曰頡音戛言其母戛

羹釜也○宋祁曰當作頡羹

元王旣至楚以穆生白生申公爲中大

夫高后時浮丘伯在長安元王遣子郢客與申公俱卒

業

師古曰卒終也

文帝時聞申公爲詩最精以爲博士元王好

詩諸子皆讀詩申公始爲詩傳號魯詩

師古曰凡言傳者謂爲之解說

若今詩毛氏傳也

元王亦次之詩傳號曰元王詩

師古曰次謂綴集之○劉

歆曰次之

世或有之高后時以元王子郢客爲宗正封

上邳侯

○宋祁曰當作下邳

元王立二十三年薨太子辟非先卒

師古曰辟非者猶辟邪辟兵之類也先卒者元王未薨之時已卒也辟音壁

文帝乃以宗正

上邳侯郢客嗣是爲夷王申公爲博士失官隨郢客歸

復以爲中大夫立四年薨子戊嗣文帝尊寵元王子生

爵比皇子

師古曰元王生子封爵皆與皇子同所以尊寵元王也○劉奉世曰文帝時元王子未嘗

封爵至景帝乃侯爾本傳下文云景帝卽位以親親封元王寵子五人爲侯疑爵字衍云生比皇子者凡祿賜

禮秩皆與皇子同也景帝卽位以親親封元王寵子五人子禮爲

平陸侯富爲休侯歲爲沈猶侯

晉灼曰沈音審王干侯表屬于乘高宛

執

爲宛胸侯

師古曰執古藝字

調爲棘樂侯初元王敬禮申公等

穆生不耆酒

師古曰耆讀曰嗜

元王每置酒常爲穆生設醴

師古

日醴甘酒也少麴多及王戊卽位常設後忘設焉穆生

退曰可以逝矣醴酒不設王之意怠不去楚人將鉗我

於市

師古曰鉗以鐵束頸也音其炎反

稱疾臥申公白生強起之曰獨

不念先王之德與

師古曰與讀曰歟

今王一旦失小禮何足至

此穆生曰易稱知幾其神乎

師古曰下繫之辭也○宋祁云浙本幾作機

幾

者動之微吉凶之先見者也君子見幾而作不俟終日

先王之所以禮吾三人者爲道之存故也今而忽之是

忘道也

師古曰忽怠也

忘道之人胡可與久處豈爲區區之禮

哉

師古曰區區謂小也

遂謝病去申公白生獨留王戊稍淫暴二

十年爲薄太后服私姦削東海薛郡乃與吳通謀二人

諫不聽胥靡之

應劭曰詩云若此無罪淪胥以鋪胥靡刑名也晉灼曰胥相也靡隨也古者相

隨坐輕刑之名師古曰聯繫使相隨而服役之故謂之胥靡猶今之役囚徒以鎖聯繫耳晉說近之而云隨坐

輕刑非也○劉敞曰胥靡說文作縉縠謂拘縛之也衣之赭衣使杵臼碓舂於市

晉灼曰高肱舉杵正身而舂之師古曰爲木杵而手舂卽今所謂步臼者耳非碓舂也○宋祁曰碓一作椎一

本改碓字作雅古語相雅皆助樂者此雅謂舂而雅歌以相舂也休侯使人諫王王曰

季父不吾與我起先取季父矣師古曰不吾與言不與我同心休侯懼

乃與母太夫人奔京師臣瓚曰侯母號太夫人二十一年春景帝

之三年也削書到遂應吳王反其相張尙太傅趙夷吾

諫不聽遂殺尙夷吾起兵會吳西攻梁破棘壁至昌邑

南與漢將周亞夫戰漢絕吳楚糧道士饑吳王走戊自

殺軍遂降漢漢已平吳楚景帝乃立宗正平陸侯禮爲

楚王奉元王後是爲文王四年薨

○宋祁云一作三年

子安王

道嗣二十五年薨

○宋祁云越本作三年別本作三年

子襄王注嗣十四

年薨子節王純嗣十六年薨子延壽嗣宣帝卽位延壽

以爲廣陵王胥武帝子天下有變必得立陰欲附倚輔

助之

師古曰倚依也音於綺反

故爲其後母弟趙何齊

○宋祁曰後疑是后字

取廣陵王女爲妻與何齊謀曰我與廣陵王相結天下

不安發兵助之使廣陵王立何齊尙公主列侯可得也

因使何齊奉書遺廣陵王曰願長耳目

師古曰言常伺聽勿失幾也

毋後人有天下

師古曰方爭天下勿使在人後

何齊父長年上書告之

事下有司考驗辭服延壽自殺立三十二年國除初休

侯富既奔京師而王戊反富等皆坐免侯削屬籍後聞

其數諫戊乃更封爲紅侯太夫人與寶太后有親懲山

東之寇

師古曰懲創也

求留京師詔許之富子辟彊等四人共

養仕於朝

師古曰辟音必亦反彊音居良反又辟讀曰闢彊讀曰彊解在文紀四子以在京師供養

其祖母故仕於漢朝也

太夫人薨賜塋

師古曰塋冢地謂爲界域塋音營

葬靈戶

師古曰地名也

富傳國至曾孫無子絕

辟彊字少卿亦好讀詩能屬文

師古曰屬文謂會綴文辭也音之欲反後皆類

此

武帝時以宗室子隨二千石論議冠諸宗室

師古曰論議每

出宗室之上也

清靜少欲常以書自娛不肯仕昭帝卽位或說

大將軍霍光曰將軍不見諸呂之事乎處伊尹周公之

位攝政擅權而背宗室不與共職是以天下不信卒至

於滅亡今將軍當盛位帝春秋富宜納宗室又多與大

臣共事服虔曰共議事也師古曰每事皆與參共知之反諸呂道如是則可以

免患師古曰言諸呂專權所以滅亡今納宗室是反其道乃可免患也光然之廼擇宗

室可用者辟彊子德待詔丞相府師古曰於丞相府聽詔命也年三

十餘欲用之或言父見在亦先帝之所寵也遂拜辟彊

爲光祿大夫守長樂衛尉時年已八十矣徙爲宗正數

月卒

德字路○宋祁曰路字下疑有叔字少修黃老術○宋祁曰修當作脩有智略

乾隆四年校刊
前集卷三十六
列傳
五

少時數言事召見甘泉宮武帝謂之千里駒

師古曰言若駿馬可

致千里也年齒幼少故謂之駒

昭帝初爲宗正丞雜治劉澤詔獄

師古曰雜

謂以他官共治之也

劉澤齊孝王之孫謀反欲殺

父爲

宗正徙大鴻臚丞遷太中大夫後復爲宗正雜案上官

氏蓋主事德常持老子知足之計

老子德經云知足不辱

妻死大

將軍光欲以女妻之德不敢取畏盛滿也蓋長公主孫

譚遮德自言

師古曰公主之孫名譚自言者申理公主所坐

德數責以公主起

居無狀

師古曰無狀無善狀也數音所具反

侍御史以爲光望不受女

師古

曰望怨望也

承指劾德誹謗詔獄

師古曰承指謂取霍光之意指德實責數公主而御

史乃以爲受譚冤訴故云誹謗詔獄

免爲庶人屏居山田光聞而恨之

師古

曰以御史不知己意復白召德守青州刺史歲餘復爲宗正與立

宣帝

師古曰與讀曰豫豫其謀議也

以定策賜爵關內侯地節中以親

親行謹厚封爲陽城侯

○宋祁曰城一作成

子安民爲郎中右曹

宗家以德得官宿衛者二十餘人德寬厚好施生

師古曰言

好施恩惠於人而生全之每行京兆尹事多所平反罪人

蘇林曰反音幡幡罪

人辭使

家產過百萬則以振昆弟

師古曰振舉救之

賓客食飲

師古曰旣以救貧昆弟又散供食飲之費

曰富民之怨也立十一年子向坐

鑄僞黃金當伏法

如淳曰律鑄僞黃金棄市也

德上書訟罪會薨大

鴻臚奏德訟子罪失大臣體不宜賜諡置嗣制曰賜諡

繆侯

師古曰繆惡諡也以其安訟子○宋祁曰姚本安作妄

爲置嗣傳至孫慶忌

復爲宗正太常薨子岑嗣爲諸曹中郎將列校尉至太常薨傳子至王莽敗乃絕

向字子政

師古曰名向字子政義則相配而近代學者讀向音餉旣無別釋靡所據憑當依本字爲

勝也

本名更生年十二以父德任爲輦郎

服虔曰父保任其子爲郎也輦

郎如今引御輦郎也

旣冠以行修飭擢爲諫大夫

師古曰飭整也讀與敕同其字

從是時宣帝循武帝故事

○宋祁曰循一作脩

招選名儒俊材置

左右更生以通達能屬文辭與王褒張子僑等並進對

師古曰子僑官至光祿大夫見藝文志進對謂進見而對詔命也僑字或作矯或作喬皆音鉅驕反獻賦

頌凡數十篇上復興神僊方術之事而淮南有枕中鴻

寶苑祕書

師古曰鴻寶苑祕書並道術篇名臧在枕中言常存錄之不漏泄也○宋祁曰浙本注文

篇名上有書字

書言神僊使鬼物爲金之術及鄒衍重道延命

方世人莫見而更生父德武帝時治淮南獄得其書

劉

奉世曰按德待詔丞相府年三十餘始元二年事也淮南事元朔六年是時德甫數歲傳誤紀是年德父辟彊爲光祿大夫時德待詔丞相府欲用之或言父見在故拜辟彊

更生幼而讀誦以爲奇

獻之言黃金可成上令典尙方鑄作事

師古曰尙方主巧作金銀之所

若今之中尙署

費甚多方不驗上乃下更生吏吏劾更生鑄僞

黃金繫當死更生兄陽城侯

○宋祁曰城一作成

安民上書入國

戶半贖更生罪上亦奇其材得踰冬減死論

服虔曰踰冬至春行

寬大而減死罪如淳曰獄冬盡當決竟而得踰冬復會至後冬故或逢赦或得減死也師古曰服說是也

會

初立穀梁春秋徵更生受穀梁講論五經於石渠

師古曰三

輔舊事云石渠閣在未
央大殿北以藏祕書

復拜爲郎中給事黃門遷散騎

諫大夫給事中心元帝初卽位太傅蕭望之爲前將軍少

傅周堪爲諸吏光祿大夫

師古曰加官也百官公卿表云諸吏所加或列侯將軍卿

大夫得舉不法也

皆領尙書事甚見尊任更生年少於望之堪

然二人重之薦更生宗室忠直明經有行擢爲散騎宗

正給事中與侍中金敞拾遺於左右四人同心輔政患

苦外戚許史在位放縱而中書宦官弘恭石顯弄權望

之堪更生議欲白罷退之未白而語泄遂爲許史及恭

顯所譖愬堪更生下獄及望之皆免官語在望之傳其

春地震夏客星見昴卷舌間

師古曰見於昴與卷舌之間也卷音俱免反

上

感悟下詔賜望之爵關內侯奉朝請秋徵堪回欲以爲

諫大夫恭顯白皆爲中郎冬地復震時恭顯許史子弟

侍中諸曹皆側目於望之等更生懼焉乃使其外親上

變事

師古曰非常之事故謂之變也

言竊聞故前將軍蕭望之等皆忠

正無私欲致大治忤於貴戚尙書

師古曰忤猶過也音五故反他皆類此

今道路人聞望之等復進以爲且復見毀讒必曰嘗有

過之臣不宜復用是大不然

師古曰言不宜用有過之臣者此議非也

臣聞

春秋地震爲在位執政太盛也不爲三獨夫動亦已明

矣

應劭曰謂蕭望之周堪及向師古曰獨夫猶言匹夫也

且往者高皇帝時季布

有罪至於夷滅後赦以爲將軍高后孝文之閒卒爲名

臣

師古曰卒終也

孝武帝時兒寬有重罪繫按道侯韓說諫曰

師古曰說讀曰悅

前吾丘壽王死陛下至今恨之

師古曰恨猶悔也

今

殺寬後將復大恨矣上感其言遂貰寬

師古曰貰謂緩恕其罪也

復

用之位至御史大夫御史大夫未有及寬者也又董仲

舒坐私爲災異書主父偃取奏之下吏罪至不道幸蒙

不誅復爲太中大夫膠西相以老病免歸漢有所欲興

師古曰興謂改作憲章

常有詔問仲舒爲世儒宗定議有益天下

孝宣皇帝時夏侯勝坐誹謗繫獄三年免爲庶人宣帝

復用勝至長信少府太子太傅名敢直言天下美之若

乃羣臣多此比類

師古曰比音必寐反

難一二記有過之臣無負